

za izvršenje ili su nastali izvršenjem privrednog prijestupa, odnosno prekršaja, kao i zaštitna mjera oduzimanja imovinske koristi postignute izvršenjem poljoprivrednog prijestupa odnosno prekršaja.

#### Član 62.

Novčana kazna iz člana 57., 58., 59. i 60. ovog zakona plaća se u DEM ili u protuvrijednosti valute Bosne i Hercegovine po srednjem tečaju koji utvrđuje i objavljuje Centralna banka BiH na dan plaćanja.

Do uspostave Centralne banke BiH utvrđivanje valute iz stava 1. ovog člana obavlja Narodna banka Bosne i Hercegovine.

### VII - PRELAZNE I IZVRŠNE ODREDBE

#### Član 63.

Do donošenja planova prostornog uređenja, korištenje poljoprivrednog zemljišta u nepoljoprivredne svrhe može se izvršiti samo izuzetno na prijedlog općine u saglasnosti resornog kantonalnog ministarstva.

#### Član 64.

Odredbe ovog zakona o plaćanju naknade za korištenje poljoprivrednog zemljišta u nepoljoprivredne svrhe i o pribavljanju poljoprivredne saglasnosti ne primjenjuju se na zemljište koje je proglašeno građevinskim do 23. decembra 1975. godine kao dana stupanja na snagu Zakona o zaštiti i korištenju poljoprivrednog zemljišta ("Sl. list SRBiH" br. 37/75)

#### Član 65.

Kantonalni ministar donijeće propise iz člana 5. stava 2. i 3., člana 6. stav 2. i član 23. stav 3. ovog zakona u roku od jedne godine od dana stupanja na snagu ovog zakona.

#### Član 66.

Kantonalni ministar po prethodno pribavljenom mišljenju Kantonalnog ministarstva zdravstva donijet će propise o dozvoljenim količinama štetnih i opasnih materija u zemljištu i metode njihovog ispitivanja u roku od šest mjeseci od dana stupanja na snagu ovog zakona.

#### Član 67.

Na poljoprivrednom zemljištu gdje je izvršena eksploatacija industrijskih i ostalih mineralnih sirovina prije stupanja na snagu ovog zakona, korisnici ovih sirovina dužni su da u roku od 5 godina izvrše rekultivaciju tog zemljišta i privedu ga prvobitnoj namjeni po Projektu o rekultivaciji u roku od tri mjeseca od dana stupanja na snagu ovog zakona, a u skladu sa članom 17. stav 3. ovog zakona.

#### Član 68.

Danom stupanja na snagu ovog zakona prestaje primjena odredaba zakona i drugih propisa o zaštiti i o korištenju poljoprivrednog zemljišta koji se primjenjuju na teritoriji Federacije BiH.

#### Član 69.

Ovaj zakon stupa na snagu osmog dana od dana objavljivanja u "Službenom glasniku Unsko-sanskog kantona".

Broj: 01-1-93/97,  
11. septembar 1997. god.  
Bihać

Predsjedavajući Skupštine  
Unsko-sanskog kantona  
**Adem Borić**

## 21

Na osnovi člana 5(1)C, odjeljak B poglavlja V Ustava Unsko-sanskog kantona, donosim

### ODLUKU

#### O PROGLAŠENJU ZAKONA O ROBNIM REZERVAMA UNSKO-SANSKOG KANTONA

Proglašava se Zakon o robnim rezervama Unsko-sanskog kantona koji je donijela Skupština Unsko-sanskog kantona na 10. sjednici održanoj 11. septembra 1997. godine.

Broj: 02-1-105/97,  
15. septembar 1997. godine  
Bihać

Predsjednik  
Unsko-sanskog kantona  
**mr. Mirsad Veladžić**

### ZAKON

#### O ROBNIM REZERVAMA UNSKO-SANSKOG KANTONA

### I - OPĆE ODREDBE

#### Član 1.

Ovim zakonom uređuje se: struktura, formiranje, obnavljanje i korištenje robnih rezervi, skladištenje, čuvanje, finansiranje, upravljanje, poslovanje i druga pitanja vezana za robne rezerve Unsko-sanskog kantona (u daljem tekstu: Kanton).

#### Član 2.

Robnim rezervama smatraju se zalihe određenih roba i novčana sredstva koje treba da osigura Kanton, općine u sastavu kantona i preduzeća od interesa za proizvodnju, nabavku i distribuciju robe.

#### Član 3.

Odredbe ovog zakona shodno se primjenjuju i na robne rezerve općina i preduzeća na području Kantona.

### II - STRUKTURA, FORMIRANJE, OBNAVLJANJE I KORIŠTENJE ROBNIH REZERVU

#### Član 4.

Strukturu robnih rezervi čine:

- osnovni poljoprivredni i prehrambeni proizvodi (brašno, ulje, šećer, riža, tjestenine, so, germa, konzervirano povrće, konzervirano meso, ribe, mlijeko u prahu, keks i dječija hrana, kao i drugi proizvodi neophodni za preživljavanje stanovništva)
- rezerve mesa u živoj stoci
- nafta, naftni derivati, motorna ulja, antizamrzavajuća sredstva
- sredstva za opću higijenu (sapun, deterdžent za pranje i održavanje, pasta za zube, krema za cipele i slično)
- sirovine i reprodukcioni materijal za poljoprivredu i stočna hrana
- lijekovi i sanitetski materijal,
- odjevni industrijski proizvodi (odjeća, obuća, veš i slično),
- sirovine i reprodukcioni materijal za industriju,

- autogume i rezervni dijelovi,
- eksplozivna sredstva za rudarstvo,
- strateški industrijski neprehrambeni proizvodi,
- ogrjevni materijal (drvo, ugalj, plin),
- novčana sredstva,
- materijali potrebni za grafičko-štamparsku djelatnost.

**Član 5.**

Vlada Kantona će svojim propisom utvrditi obim i strukturu robnih rezervi koje treba da osigurava prema raspoloživim sredstvima, Kanton, općine i preduzeća.

**Član 6.**

Formiranje, obnavljanje i korištenje robnih rezervi, te njihova struktura, skladištenje, čuvanje, finansiranje, poslovanje i druga pitanja vezana za robne rezerve vrši se na osnovu srednjoročnih i godišnjih planova nabavke, proizvodnje i otkupa tržišnih viškova za robne rezerve.

Srednjoročne planove donosi Skupština Unsko-sanskog kantona za period od pet godina na prijedlog Vlade Unsko-sanskog kantona, a godišnje planove donosi Vlada Unsko-sanskog kantona na prijedlog direktora Kantonalne direkcije robnih rezervi.

Programi robnih rezervi iskazuju se naturalno i novčano, a u izradi istih učestvuju resorna kantonalna ministarstva u dijelu koji se odnosi na robe iz njihove nadležnosti.

**Član 7.**

Robne rezerve formiraju se kupovinom robe iz domaće proizvodnje i ugovaranjem proizvodnje pojedinih proizvoda i usluga otkupom tržišnih viškova poljoprivrednih proizvoda i deponovanjem novca.

Ako na tržištu nemo dovoljno domaće robe odgovarajućeg kvaliteta i uz odgovarajuće uslove ili se roba ne proizvodi u zemlji, robne rezerve se formiraju kupovinom robe inostrane proizvodnje.

Kupovina robe vrši se na osnovu javne ponude, po tržišnim ili po propisanim cijenama, osim ako Vlada Kantona ne odredi drugačije.

**Član 9.**

O nabavci i proizvodnji robe za potrebe robnih rezervi Kantona odlučuje rukovodilac upravne organizacije koja se bavi poslovanjem robnim rezervama, uz prethodni dogovor sa resornim ministrima i uz saglasnost predsjednika Vlade Kantona.

**Član 10.**

Roba iz robnih rezervi može se prodavati u slijedećim slučajevima:

- radi obnavljanja, prije isteka roka upotrebe,
- radi intervencije na tržištu i
- prodaje viškova otkupljenih proizvoda iznad utvrđenog obima potrebnog za robne rezerve.

**Član 11.**

Uslove prodaje roba iz robnih rezervi određuje Vlada Kantona, a eventualne negativne razlike između prodajne i nabavne cijene pokrivaju se iz budžeta.

**Član 12.**

Robne rezerve se održavaju povremenim obnavljanjem zavisno od vrste i prirode robe i njenog vijeka trajanja, odnosno roka upotrebe.

Roba se mora obnoviti najkasnije 60 dana prije isteka vijeka trajanja, odnosno roka upotrebe ako posebnim propisima nije drukčije određeno.

Kupovinom radi obnavljanja i intervencije na tržištu mora se osigurati ista količina robe koja je prodana iz robnih rezervi.

**Član 13.**

Robne rezerve mogu se koristiti za:

1. osiguranje minimalnih potreba stanovništva i privrede u uslovima rata i neposredne ratne opasnosti,
2. osiguranje minimalnih potreba stanovništva i privrede u uslovima prirodnih nepogoda i drugih vanrednih prilika,
3. intervencije na tržištu u uslovima poremećaja u snabdijevanju stanovništva i privrede.

**Član 14.**

Minimalne potrebe stanovništva i privrede u slučajevima iz prethodnog člana, kao i potrebu za intervenciju na tržištu određuje Vlada Kantona.

**III - SKLADIŠTENJE I ČUVANJE ROBNIH REZERVU****Član 15.**

Radi smještaja i čuvanja robnih rezervi osigurava se odgovarajući skladišni i drugi prostor: izgradnjom vlastitog prostora, zajedničkim ulaganjem, kupovinom i zakupom na području Kantona.

**Član 16.**

Vlada Kantona može poslovni prostor u državnoj, mješovitoj i privatnoj svojini privremeno staviti u funkciju robnih rezervi uz naknadu, kada ocjeni da je taj prostor od interesa za odbranu zemlje.

**Član 17.**

Preduzeća i druga pravna i fizička lica kojima je ugovorom povjereno skladištenje i čuvanje robnih rezervi dužna su osigurati sve higijensko-tehničke i zdravstvene uslove za održavanje robnih rezervi u ispravnom stanju, pravilno rukovanje i fizičku zaštitu kao i tajnost podataka.

Subjekti iz prethodnog stava ne mogu tu robu koristiti, staviti u promet, otuđiti, promijeniti joj namjenu, preskladištiti, odnosno raspolagati protivno ugovoru.

**Član 18.**

Subjekti kojima je roba robnih rezervi povjerena na skladištenje i čuvanje, dužni su u slučaju uništenja ili otuđenja robe njihovom krivicom ili korištenja robe suprotno odredbama ugovora, nadoknaditi štetu vlasniku robnih rezervi, najmanje u količini i vrijednosti po tržišnim cijenama, uništene, otuđene ili iskorištene robe istog kvaliteta.

**Član 19.**

Subjekti kojima je roba povjerena na skladištenje i čuvanje dužni su o toj robi voditi propisanu evidenciju.

**Član 20.**

Uslove uskladištenja i čuvanja određenih vrsta roba, kao i normative kala, kvara, rastura i loma, propisuje Vlada Kantona na prijedlog rukovodioca organa koji posluje robnim rezervama i uz mišljenje resornih ministarstava.

**IV - FINANSIRANJE ROBNIH REZERVI****Član 21.**

Finansiranje robnih rezervi Kantona osigurava Kanton, općinskih robnih rezervi općine, a robne rezerve u preduzećima finansiraju se iz sredstava preduzeća.

**Član 22.**

Sredstva za finansiranje robnih rezervi Kantona i rad organa koji posluje tim robnim rezervama osiguravaju se iz slijedećih izvora:

1. budžeta,
2. donacija u robi i novcu,
3. sredstava ostvarenih prodajom robe,
4. vlastitih prihoda Kantonalne direkcije robnih rezervi,
5. kredita i
6. drugih izvora (zaplijenjena roba, novac i slično).

**V - UPRAVLJANJE ROBNIM REZERVAMA****Član 23.**

Upravljanje robnim rezervama Kantona vrši Vlada Kantona donošenjem plana nabavke, proizvodnje i otkupa tržišnih viškova za robne rezerve, određivanjem obima i strukture robnih rezervi, osiguravanjem finansiranja, imenovanjem rukovodioca organa koji posluje robnim rezervama i pojedinačnim odlukama u vezi sa formiranjem i korištenjem robnih rezervi.

**VI - POSLOVANJE ROBNIM REZERVAMA****Član 24.**

Nosilac prava, obaveza i odgovornosti u pogledu poslovanja robnih rezervi Kantona je Kantonalna direkcija robnih rezervi (u daljem tekstu: Kantonalna direkcija).

**Član 25.**

Kantonalna direkcija posluje u skladu sa ovim zakonom, Zakonom o državnoj upravi i Zakonom o kantonalnim ministarstvima i drugim tijelima uprave i posebnim zakonima Kantona.

**Član 26.**

Kantonalna direkcija ima svojstvo pravnog lica.

**Član 27.**

Sjedište Kantonalne direkcije je u Bihaću.

**Član 28.**

U poslovanju Kantonalna direkcija zaključuje ugovore na način i pod uslovima koji su predviđeni ovim zakonom.

**Član 29.**

Za obaveze nastale po ugovorima iz prethodnog stava, Kantonalna direkcija odgovara sredstvima kojima raspolaže.

**Član 30.**

O poslovanju Kantonalne direkcije vode se poslovne knjige u skladu sa zakonom.

**Član 31.**

Godišnji obračun sa izvještajem o radu Kantonalne direkcije usvaja Vlada Kantona, a po isteku perioda Skupština Kantona razmatra i usvaja izvještaj o realizaciji srednjoročnog plana robnih rezervi.

**Član 32.**

Direktor Kantonalne direkcije, uz saglasnost Vlade Kantona donosi:

- program rada Kantonalne direkcije,
- pravilnik o unutrašnjoj organizaciji i sistematizaciji,
- odluke o imenovanju i razrješenju rukovodećih radnika u Kantonalnoj direkciji.

Direktor Kantonalne direkcije predlaže:

- plan robnih rezervi,
- odluke o korištenju robnih rezervi,
- uslove prodaje roba iz robnih rezervi,
- uslove uskladištenja i čuvanja robnih rezervi, normative kala, kvara, rastura i loma robe,
- finansijski plan Kantonalne direkcije,
- subjekte sa kojima će se zaključiti ugovor za skladištenje i čuvanje robnih rezervi,
- preduzeća koja su obavezna formirati vlastite robne rezerve,
- preduzeća koja su od interesa za proizvodnju, nabavku i distribuciju robnih rezervi i vršenje usluga od interesa za robne rezerve,
- privremeno stavljanje u funkciju robnih rezervi poslovnog prostora preduzeća i drugih pravnih i fizičkih lica,
- stavljanje u funkciju robnih rezervi,
- privremeno angažovanje opreme i ljudi za potrebe Kantonalne direkcije.

Direktor Kantonalne direkcije zaključuje ugovore o poslovanju robnim rezervama.

Kontrolu poslovanja Kantonalne direkcije vrše ovlašteni državni organi.

Izvještaje o kontroli poslovanja Kantonalne direkcije razmatra Vlada Kantona.

Podaci o poslovanju Kantonalne direkcije smatraju se državnim tajnom.

**VII - KAZNE NE ODREDBE****Član 33.**

Novčanom kaznom od 2.000.000 do 5.000.000 dinara kazniće se za privredni prestup preduzeće ili drugo pravno lice sa kojim je Kantonalna direkcija zaključila ugovor o čuvanju i skladištenju robe i opreme robnih rezervi, koje tu robu skladište ili opremu neovlašćeno koristi, otuđi, promijeni joj namjenu, preskladišti robu ili opremu u drugo skladište bez odobrenja Kantonalne direkcije, odnosno ovlaštenih organa utvrđenih ovim zakonom.

Za radnje iz prethodnog stava kazniće se za privredni prestup i odgovorno lice u preduzeću ili drugo pravno lice novčanom kaznom od 30.000 do 200.000 dinara.

**Član 34.**

Novčanom kaznom od 30.000 do 200.000 dinara kazniće se za privredni prestup odgovorno lice u Kantonalnoj direkciji ako robu robnih rezervi koristi suprotno odredbama ovog zakona, ako robu povjeri na smještaj i čuvanje pravnom ili fizičkom licu sa kojim nema prethodno zaključen ugovor ili ako ugovorom predvidi pravo preče kupovine u korist pravnog lica ili fizičkog lica sa kojim je zaključio ugovor o smještaju i čuvanju robnih rezervi.

**Član 35.**

Izrečena kazna iz člana 33. i 34. ovog zakona može se platiti u valuti važećoj u Federaciji Bosne i Hercegovine, po srednjem kursu na dan plaćanja.

**VIII - PRELAZNE I ZAVRŠNE ODREDBE****Član 36.**

Ovaj zakon stupa na snagu osmog dana od dana objavljivanja u "Sl. glasniku Unsko-sanskog kantona".

Broj: 01-1-94/97,  
11. septembar 1997. god.  
Bihać

Predsjedavajući Skupštine  
Unsko-sanskog kantona  
**Adem Borić**

**22**

Na osnovu člana 5(1) C, odjeljak B poglavlja V Ustava Unsko-sanskog kantona, donisim

**ODLUKU****O PROGLAŠENJU ZAKONA O DRŽAVNOJ IMOVINI NA UNSKO-SANSKOM KANTONU**

Proglašava se Zakon o državnoj imovini na Unsko-sanskom kantonu koji je donijela Skupština Unsko-sanskog kantona, na 10. sjednici održanoj 11. septembra 1997. godine.

Broj: 02-1-106/97,  
15. septembar 1997. godine  
Bihać

Predsjednik  
Unsko-sanskog kantona  
**mr. Mirsad Veladžić**

**ZAKON****O DRŽAVNOJ IMOVINI NA UNSKO-SANSKOM KANTONU****Član 1.**

Ovim zakonom utvrđuje se imovina Unsko-sanskog kantona (u daljem tekstu: Kanton) preuzimanje, način sticanja, upravljanja i raspolaganja imovinom i druga pitanja koja su u vezi s imovinom Kantona.

**Član 2.**

Kanton je pravni sljedbenik u imovini i imovinskim pravima subjekata sa područja USK-a koji su bili nosioci prava korištenja, odnosno prava raspolaganja nad sredstvima u društvenoj svojini, u skladu sa Zakonom o provedbi društvene svojine (Sl. list RBiH 33/94).

**Član 3.**

Kanton preuzima sva prava i obaveze koje proističu iz imovinsko-pravnih odnosa vezanih za član 2. Zakonom.

**Član 4.**

Kanton u potpunosti preuzima imovinu pravnih subjekata na području Kantona kao i na drugim područjima gdje su oni posjedovali imovinu.

**Član 5.**

Imovinu Kantona pored imovine stečene preuzimanjem u smislu odredaba člana 2. 3. i 4. ovog

zakona čini pokretna i nepokretna imovina, prava i novčana sredstva koje je Kanton stekao kupovinom ili na drugi način u skladu sa zakonom BiH i FBiH.

**Član 6.**

Kanton je vlasnik imovine na području Kantona i to:

1. prirodnih bogatstava i dobara u općoj upotrebi;
2. nekretnina na kojima pravo korištenja i upravljanja imaju mjesne zajednice, udruženja građana i političke organizacije, izuzev sredstava koja su te zajednice i organizacije pribavile iz drugih izvora osim budžeta, sredstva za finansiranje zajedničkih potreba, donacija društvenih pravnih lica i samodoprinosu građana;
3. nekretnina na području Kantona koje su izrađene ili po drugom osnovu stečene iz sredstava budžeta, za finansiranje zajedničkih potreba, te sredstava samodoprinosu građana i donacija, kao i imovine koja je stečena i po drugim osnovima, bez obzira da li se kod društvenog pravnog lica kao korisnika vode u poslovnim knjigama, odnosno da li su upisane u zemljišne knjige;
4. društvenog kapitala iskazanog u bilansima stanja pravnih lica na dan 31. decembar 1991. godine, odnosno stanja utvrđenog nakon revizije, odnosno stanje utvrđenog nakon provedene revizije.

**Član 7.**

Kanton vrši ovlaštenja i obaveze vlasnika po osnovu državnog kapitala prema preduzećima i ustanovama koja u cjelini ili djelimično imaju državni kapital, u skladu sa zakonom, osim preduzeća i ustanova nad kojima ovlaštenja i obaveze vlasnika vrše nadležni organi FBiH, ili preduzeća ili ustanova za koja je Kanton ovlaštenja i obaveze vlasnika prenio na općine.

**Član 8.**

Imovinom Kantona upravlja Skupština USK-a (u daljem tekstu: Skupština). Predsjednik Kantona i Vlada Kantona mogu upravljati imovinom u okviru ovlaštenja koja im Skupština prenese posebnim propisom.

**Član 9.**

Skupština može posebnim propisom prenijeti prava vlasništva na druga pravna lica, u skladu sa zakonom.

**Član 10.**

Vlada Kantona posebnim aktom uredit će način evidentiranja imovine iz člana 2., 3., 4., 5., 6. i 7. ovog zakona i odrediti organe za njegovo provođenje.

Propise iz predhodnog stava Vlada Kantona će donijeti u roku od 30 dana od dana donošenja ovoga zakona.

**Član 11.**

Odredbe član 6. ovog zakona primjenjivat će se do donošenja zakona FBiH i države BiH.

**Član 12.**

Ovaj zakon stupa na snagu narednog dana od dana objavljivanja u "Službenom glasniku Unsko-sanskog kantona".

Broj: 01-1-95/97,  
11. septembar 1997. god.  
Bihać

Predsjedavajući Skupštine  
Unsko-sanskog kantona  
**Adem Borić**